


KUBU TETAP BANTAH PENYATA RAHMAN

Berita Harian, 14 August 1960, Page 1

 Article also available on Microfilm Reel NL2820



KUALA LUMPUR,
Sabtu.—Kumpulan
Budi Utama — Kubu—
tetap merasakan khua-
tir bahawa bahasa
Inggeris telah di-uta-
makan dalam sistem
pelajaran negeri ini,
demikian di-terangkan
kapada Berita Minggu
hari ini oleh sa-orang
juru bichara Kubu.

Beliau menegaskan:

“Sa-bagai sa-buah badan
kebudayaan dan bahasa,
kami merasa kkuatir ter-
hadap dasar mengutama-
kan bahasa Inggeris dalam
Penyata itu.”

Dalam sa-buah kenya-
taan-nya minggu lalu,
Kubu telah membantah
Penyata Pelajaran Rahman
Talib itu kerana menguta-
makan Bahasa Inggeris
dan mengechewakan ke-
pentingan bahasa Melayu.

Sa-buah jawatankuasa
khas terdiri dari lima
orang telah di-lantek oleh
KUBU untok mempelajari
penyata itu.

“Jawatankuasa khas ini
akan menyusun sikap dan
pendirian Kubu terhadap
keseluruhan dasar penga-
jaran di-Malaya.” kata
juru chakap itu sa-lanjut-
nya.

Jawatankuasa khas itu terdiri Sdr2 Asraf, Tongkat Warrant, Daud Bahrom, Yahaya Samah dan Firdaus Abdullah.

Laporan jawatankuasa khas itu di-jangka siap dalam masa sa-minggu lagi untuk di-sampaikan kepada Pemerintah.

Akan di-ingat bantahan Kubu terhadap penyata itu telah di-timbulkan dalam Parlemen keimarin oleh ahli Perikatan dari kawasan Kuala Selangor, Inche Dahari Ali.

Menda'awa

Inche Dahari dalam hubungan ini berkata: "Dari segi orang2 Melayu, se-laran2 yang hebat terhadap Penyata ini ia-lah dari sa-bahagian kaum terpelajar yang terapong2 di-awang2 yang menudoh penyata ini tidak mengendahkan langsung soal menambah kemudahan2 persekolahan2 menengan anak2 kita."

Ahli Perikatan itu menda'awa bahawa Kubu hanya mempunyai kira 50 orang ahli sahaja.

Tetapi Ketua Socialist Front, Inche Ahmad Boestamam dalam Parlemen mengatakan Kubu mempunyai lebih dari 200 orang anggota.

